

原刊影印

民國佛教期刊文獻集成

任繼愈題



民國佛教期刊文獻集成

任紹愈題■

第35卷



威音

全國圖書館文獻縮微復制中心

中華書局發行

威音

第三十二期

威音第三十二期目錄

圖畫

論說

聞外人來華學佛感言

釋經

大般若波羅密多經述要

專著

般若與業力

密乘

大目經住心品講

演壇

修定是學佛的第二步

新聞

國內之部
國外之部



(六 其) 羅 茶 曼 界 剛 金

論說

聞外人來華學佛感言

嗚呼 我國之見輕於外人也久矣 微特國勢積弱 幾瀕危亡 抑且民智不開 文化落後 此具有五千餘年歷史之最古國 竟如一耄齡之翁 癡聾衰朽 老大徒傷 殘燭臨風 轉眼卽將化爲異物 卽幸而苟延一息 偷活人間 亦徒爲強暴者所欺凌 少壯者所鄙棄已耳 不亦至可憐也耶 而不意今日乃有外人以來華學佛聞

嗚呼 莘莘學子 怵祖國之阡危 亟圖所以振之者 不惜跋涉重洋 負笈異域 苦心探討 挹彼物質文明之波流以歸 灌溉此旣槁之苗 旣荒之土 終歲勤動 徒勉勾他人之餘潤 以謀收穫之豐 初未嘗計及己國尙有文化之源泉 唯待

開浚 或且以其幽奧難達 羣思加以湮塞 以期無逆於新流 其志可嘉 其失亦既溥矣 而不意今日乃有外人以來華學佛聞

嗚呼 雙林人寂 正法日淪 五天之中 以釋尊宣化之聖地 尙鮮受持遺教者 自餘固無譏焉 中土由傳譯而聞法音 歷代聖哲之士 機緣深契 廣事弘揚 亦嘗蔚成十宗 妙傳心印 然而時移代易 世衰道微 迄於今茲 佛教之精神 亦經喪失殆盡 雖邇來緇素漸多以上求下化爲志 然墜緒如絲 搖搖欲絕 孰爲賢者 能識其大 而不意今日乃有外人以來華學佛聞

外人之來華學佛者 前有日人 學禪於天童 學教觀於天台 繼有美國女子 求法於柏林寺 但以一係密鄰 一係女性 均未爲國人重視 而最近之籍籍人口者 厥惟強和與林根二氏 今且略述二氏來華學佛之經過

強和爲美國大美報記者 頗有聲於新聞界 現年三十三歲 嘗於採訪新聞之暇 入華僑光華夜校 研讀華文 能吟詩 口操華北音 於佛經夙

有研究 並常高聲讀誦 漸知佛法勝妙 足爲立身之本 遂於去年三月
隻身來華 思欲深造 數月前至杭州 求度於靈隱寺 寺中察其誠懇
許之 現強和隨衆修行 持誦甚勤云

林根爲英國國會自由黨議員 又曾爲國際間諜 耶教牧師 及油企業家
現年五十三歲 祖籍奧國 後入英籍 初奉耶教 研究十餘年 嫌其
淺陋 棄之而治柏拉圖 蘇格拉底 康德 尼采 叔本華之學說 亦不
能愜其心 彼嘗活動於政治界中 徧遊新舊大陸 足迹所至 各國均極
注意 而最後竟使彼陷於失望之境 且彼有一子 因罪瘐死於倫敦 彼
尤傷之 遂由此勘破世情 發心學佛 先在杭州某寺誦習經典頗久 最
近始在北平附近受具出家 法名照空 但彼自謂研究佛教已三十年矣
夫外人既屢以來華學佛聞 宜可以爲中國前途慶矣 宜可以爲佛教前途慶矣
又宜可以爲中國佛教前途慶矣 然吾嘗從而一加觀察 除佛教前途真有可慶者

外 而中國前途 及中國佛教前途 並未可卽以此自慶也

在我國全盛之世 賢哲輩出 文化昌明 亦誠有殊方來學 歸而自化其國者 而今也已非其時 顧外人仍以來華學佛聞 豈我國國勢今已復盛而有所不自知 耶 但環顧國中 戰亂相尋 民生彫敝 一般軍閥 唯以爭奪地盤爲事 吾唯見 中國之亡無日矣 又焉得以爲慶

在我國佛教全盛之世 高僧輩出 正法昌明 亦誠有遠僧求法 歸而廣弘其 宗者 而今也亦非其時 顧外人仍以來華學佛聞 豈我國佛教今已復興而亦有所 不自知耶 但環顧國中 闡提滿目 邪說橫行 一般佛徒 又唯以互相攻訐爲事 吾唯見中國佛教之亡亦無日矣 又焉得以爲慶

然而外人固實有來華學佛者 不明其故 人將終疑吾言 則請以林根之言徵 之

彼之言曰「歐美人頗富於研究佛教之興味 現亦富於研究佛教之機會 但對

於佛教 僅加研究 乃無益者 凡願遵依其教而實行實證者 非離世出家不可 而在歐美 則此事爲不可能 因歐美無佛廟可供吾人之修行也 故若干歐美人求脫離此濁世而爲僧者 不得不拋撇歐美 另至一佛教國以成其願」

然則外人之所以來華學佛者可知已 彼非以中國有可學 亦非以中國佛教有可學 彼不過以中國爲佛教國 有佛廟可供彼等之修行耳

觀乎此 彼聞此訊而色然喜 認此足爲我國佛教放一異彩 奔走相告 爲文以張 引爲無上之殊榮者 不亦可以廢然返歎

雖然 吾知此項消息籍籍於人口者 決非如增上慢人 夜郎自大 儼然若有足爲世界導師者在 因之誇示於衆也 蓋吾國人必有自知之明 自知其不堪爲人師 實無有足學者 以致受寵若驚也 使能由此而引發慚愧之心 促起精進之心 於顯能證得菩提 於密能成就悉地 使本無可學者轉而爲真有可學 又安知方來爲世界導師者 不卽在吾國耶 又安知方來全世界之外人 不均來華學佛耶

又安知方來之中國 不因佛教昌明而國勢日盛爲世所重耶 竊願以今日之外人來
華學佛爲之嚆矢 同時尤願以今日之外人來華學佛爲之先鞭

釋經

大般若波羅密多經述要

〔經〕 具壽善現復白佛言 世尊 頗有有情 於當來世 後時後分後五百歲 正法將滅時分轉時 聞說如是色經典句 生實想不

佛告善現 勿作是說 頗有有情 於當來世 後時後分後五百歲 正法將滅

時分轉時 聞說如是色經典句 生實想不 然復善現 有菩薩摩訶薩 於當來世

後時後分後五百歲 正法將滅時分轉時 具足尸羅 具德 具慧 復次 善現

彼菩薩摩訶薩 非於一佛所承事供養 非於一佛所種諸善根 然復善現 彼菩

薩摩訶薩 於其非一百千佛所承事供養 於其非一百千佛所種諸善根 乃能聞說

如是色經典句 當得一淨信心 善現 如來以其佛智悉已知彼 如來以其佛眼悉

已見彼 善現 如來悉已覺彼一切有情 當生無量無數福聚 當攝無量無數福聚

何以故 善現 彼菩薩摩訶薩 無我想轉 無有情想 無命者想 無士夫想

無補特伽羅想 無意生想 無摩納婆想 無作者想 無受者想轉 善現 彼菩薩

摩訶薩 無法想轉 無非法想轉 無想轉 亦無非想轉 所以者何 善現 若善

薩摩訶薩有法想轉 彼卽應有我執有情執命者執補特伽羅等執 若有非法想轉 彼亦應有我執有情執命者執補特伽羅等執 何以故 善現 不應取法 不應取非法 是故如來密意而說筏喻法門 諸有智者 法尙應斷 何況非法

佛復告具壽善現言 善現 於汝意云何 頗有少法 如來應正等覺證得阿耨多羅三藐三菩提耶 頗有少法 如來應正等覺是所說耶

善現答言 世尊 如我解佛所說義者 無有少法 如來應正等覺證得阿耨多羅三藐三菩提 亦無有少法 是如來應正等覺所說 何以故 世尊 如來應正等覺 所證所說 所思維法 皆不可取 不可宣說 非法非非法 何以故 以諸賢

聖補特伽羅 皆是無爲之所顯故（一切賢聖 皆以無爲法而有差別）

佛告善現 於汝意云何 若善男子 或善女人 以此三千大千世界盛滿七寶 持用布施 是善男子 或善女人 由此因緣 所生福聚 甯爲多不

善現答言 甚多 世尊 甚多 善逝 是善男子 或善女人 由此因緣 所

生福聚 其量甚多 何以故 世尊 福德聚福德聚者 如來說爲非福德聚 是故如來說名福德聚福德聚

佛復告善現言 善現 若善男子 或善女人 以此三千大千世界盛滿七寶 持用布施 若善男子 或善女人 於此法門 乃至四句伽陀 受持讀誦 究竟通利 及廣爲他宣說開示 如理作意 由是因緣 所生福聚 甚多於前無量無數 何以故 一切如來應正等覺阿耨多羅三藐三菩提 皆從此經出 諸佛世尊 皆從此經生 所以者何 善現 諸佛法諸佛法者 如來說爲非諸佛法 是故如來說名諸佛法諸佛法

〔釋〕 上段正答已竟 但其所說 雖從空不空上說人法二空 然立言之間 盛明其空 而未及廣顯其不空 此下兩段 一說人空之人 一說法空之法 所以補示其不空也 今先說法空之法

法之勝妙者 有現所求之佛法焉 佛得阿耨多羅三藐三菩提法而說